

Imuhay n Uzawad tiytas n yisnugguren

A Y U R I

Mennaw n yiyyaren aya zdint twayitin tiberrkanin yef yimezdayen iyarimen n Uzawad : (Imuhay, Imuriyen, Ifullanen) ; imdanen ittwanyan min ad kken dat kra n unezzarfu, ttwakksen, mmukren, ttwakren-asen waylaten, ttwayedlen yizduyen, atg.

Ayent tigiwin-a timazdarin s yifassen n tmuggut tarusiyyt n trabbut *Wagner* nettat d yiserdasen n *Tzemmar Timaliyin Turbibin* (FAMa). Rnu-asen tirubba tijihadiyin. Ttwawten yisunen imeggiġan s taylalin ; ar ttmerraten yimezday ddaw n tyita n yimrigen izzayen d yizdamen s tadrinin ittwasekren g Turkiya ttunefkent i yiserdasen n Mali ; imeggura-a d yizubyaten n trabbut *Wagner* ayd ineqqan min astay ar zellun iyarimen ar meddin tisebbuwwa i yimettinen. Ttwanyent tsednan d yimezzanen s tyarawin isrun izri.

Iqqen-ay-nn ad nessektey nwis seg tazwara n yiseggwasen isdimrawen (60), deffir n tlalit n yiwunak nna tessker Fransa tamharsant igezmen tamurt n Yimuhay tessufey-d deg-s semmus n yigezzumen tefk-ten i tmura timaynutin nna tra, ayd issengey yigen n Mali idammen g yisummulen d tnekra tamahayt. seg wakud-nnay, ur zzgin Yimuhay tigiwin-nnsen g ubrid n tutffa n yizerfan-nnsen idaslanan, ttwatkwayan ad asin imrigen kra n tikkal.

Rewlent temrawin n yigiman n Yimuhay ddunt ad nfint g yiwunak imidisen ur ten-ittnalan yas s yiynan. Gan yiserdasen imaliyen d yimawasen-nnsen g trabbut *Wagner* timutliwin n umgaru d tmutliwin mgal talsa ney akw asenger anefgan s tiytas kkaten, ur illi g yiwunak imidisen mayed isyuyyen wala g ugraw agraylan. Tay tsusmi amadal zund ur yag waḍu.

Mnid n tareydemt-a d twayitin-a g llan yimezdayen n Uzawad, da tezzizir tudssa tarunbiḍt TAMAZĠA imegġan n texnanasin-a. Ar tettennegraz yef tsusmi n yiwunak imidisen d ugraw agraylan d warakkul n turda ; ar teqqar i tudsiwin n yizerfan n ufgan ad walint addad-nni gent ussisen-nnsent ad izga usenfar amenya n tegrawt taserdast n Mali d yimawasen-nnes irusiyyen n *Wagner* ; ur d-yusi i umadal ad ifest mnid n tunyiwin n yiwarimen irumrigen. Ar diy neqqar i yizazrafen igraylanan imzurag, lumen widda llanin g Yiylanen Imunen, ad gen ayan-nnsen g uzzga n wanect-a d tamutli awin imegġan d yimenyaten ad ttuzerrfen yef wayen ssekren. Da nettzettid ayetmaten-nney Imuhay ar asen-nesselkam iwes-nney d tubedda-nney yer tama-nnsen ar nessutur tiwizi tagraylant i yimezdayen n Uzawad ittwattun ttuzrin g tmariwin d tekridin d yimihiten. Ar akw neqqar i Yimaziyyen d Tmaziyyin dinna g llan ad begsen ddmn allalen illan yur-sen akken ur ttwattun yimezdayen n Uzawad ittnayen mgal n tigiwin timanyatin n yigen n Mali d yimawasen-nnes g yizubyaten irusiyyen n *Wagner* d trubba tijihadiyin. Ad nessektey nemmektey is iga Uzawad yiwet n tmurt deg wakal amaziy ney Tamazya yuklalen tiwizi-nney d taḍa-nney.

Da nettzettid imeknasen imuhay n Uzawad s twizi-nney d tubedda-nney izdin yer tama-nnsen g ummesten n wakal-nnsen d yimezdayen-nnes g ubrid n timassit d yisey-nnsen. Tga tkensa-nnsen allal n uslelli n Tniri seg yiwunak imanyaten ikkaten ad snegren Imuhay g tmura-nnsen. Da tettades tudssa Tamazya imastanen n tlelli d timmuzya iwer-inn i kra n usenfar asedmar imyaggugen d yizalen nna nettemmestan, izalen n uslelli n wakal d yimezdayen n Tmazya seg tesnukta timeswufin ur ittwatasen yas assukkef n timmuzya s usenger n yifganen ney s temsertit tanayilt n Yimaziyyen.

Tamazya

Pari g 3 Fuct 2974 / 15-08-2024

Amawal (vocabulaire) :

anezzarfu : jure ; mmuker : être kidnappé ; tigiwin : faits ; mnid n : vis-à-vis de ; tareydemt : injustice ; irumrigen : désarmés ; izazrafen : tribunaux ; idaslanan : fondamentaux ; tiytas : victimes ; iwunak : Etats ; timutliwin : crimes ; tikridin : cruautés ; allalen : moyens ; timanyatin : criminelles, meurtrières ; izubyaten : voyous ; zettid : assurer ; asedmar : réactionnaire ; assukkef : éradication ; tanayilt : contraignante.